

Gwers 30 – Y Storm Fawr

Nodiadau Cefndir i'r Athro

Marc 4:35–41

Y mae'r Efengyl yn ôl Marc yn canolbwyntio ar weinidogaeth Iesu. Nid oes manylion am eni na magwraeth Iesu. Geiriau cyntaf Marc yw 'Dechrau Efengyl Iesu Grist, Mab Duw' (Marc 1:1), ac yna dyfynna'r proffwyd Eiseia; byddai Duw yn anfon cennad i baratoi ffordd yr Arglwydd (Eiseia 40:3). Ioan Fedyddiwr oedd y cennad, ac erbyn diwedd y bennod gyntaf y mae Iesu wedi ei fedyddio a dechrau ar ei weinidogaeth yng Ngallilea, dechrau galw disgyblion, pregethu ac iacháu.

Roedd gweinidogaeth Iesu yn un gyfannol, hynny yw, yn cyffwrdd â bywyd yn ei gyfanrwydd. Daeth i ddysgu am Dduw, ond yr oedd yn fwy nag athro. Daeth i fwrw allan gythreuliaid, ond yr oedd yn fwy na bwriwr cythreuliaid. Daeth i iacháu pobl, ond roedd yn fwy na meddyg. Daeth i ryddhau caethion, ond roedd yn fwy na chwyldröwr. Daeth i fwydo'r newynog, dilladu'r noeth, ond roedd yn fwy na gweithiwr cymdeithasol. Duw oedd ef, a golygai hynny ei fod yn ymwneud â'r bywyd dynol yn ei gyfanrwydd.

O gofio fod Iesu'n treulio oriau yng nghwmni pobl, nid yw'n syndod ei fod yn blino a'i fod wedi penderfynu mynd drosodd i'r ochr draw ac wedi syrthio i gysgu yn starn y cwch. Mae'n rhaid ei bod yn storm gref – gyda thonnau'n torri dros y cwch – oherwydd, er eu holl ymdrechion i wagio'r dŵr o'r cwch y mae'r pysgotwyr profiadol hyn yn credu ei bod ar ben arnynt.

Cyn y digwyddiad hwn gwelodd y disgyblion Iesu yn dangos ei hun yn awdurdod dros gythreuliaid (Marc 3:20–30), yn iacháu llawer (Marc 1:29–34; 2:1–12); yn pregethu (Marc 1:35–39). Clywsant y bobl yn dweud 'Beth yw hyn? Dyma ddysgeidiaeth newydd ac iddi awdurdod!' (Marc 1:27).


Er hynny, nid ydynt yn dangos llawer o ffydd oherwydd er i Iesu ddweud eu bod yn mynd i'r ochr draw roeddent yn amau a fuasant yn cyrraedd oherwydd y storm. Mae'r digwyddiad hwn yn brawf ar ffydd y disgyblion ac yn rhan o'u hyfforddiant ar gyfer y dyfodol. Synnwyd hwythau o weld ei awdurdod ar, hyd yn oed y tonnau cryfion, 'Pwy ynteu yw hwn? Y mae hyd yn oed y gwynt a'r môr yn ufuddhau iddo.' (Marc 4:41).

Môr Galilea

Amgylchynid Môr Galilea gan fryniau (Golan) ac i'r gogledd yr oedd mynyddoedd, gyda chopo mynydd Hermon tua 9000 troedfedd. Y mae'r môr hefyd yn agos i 700 troedfedd islaw lefel y môr. Oherwydd y lleoliad daearyddol hwn, roedd stormydd yn ddigwyddiadau cyffredin. Bydd haul poeth yr haf yn achosi i'r dŵr anweddu, a phan ddaw awyr oeraidd Môr y Canoldir i gyfarfod â'r llif gynnes o Fôr Galilea, creir terfysg a chyfyd storm. Gweler hefyd Gwers 26.

Trefi pysgota Galilea

Y mae saith o'r trefi sy'n amlwg yng ngweinidogaeth Iesu naill ai ar lan y môr neu heb fod ymhell i ffwrdd – Capernaum, Bethseida, Corasin, Gennesaret, Magdala, Tiberias a Gadara. Tiberias yn unig sy'n aros heddiw – a'r ffordd orau i deithio rhyngddynt oedd drwy groesi'r môr.



Pam mae'r disgyblion yn ofnus? Ydy Iesu'n ofnus?
Beth wnaeth Iesu i dawelu'r storm?

Annwyl Iesu, rwyf ti'n anhygoel! Mae hyd yn oed tonnau'r môr a'r gwynt yn gwrando arnat. Mae gennyf bŵer rhyfeddol, does neb yn debyg i ti. Amen.

Gwers 30 – Y storm fawr

Iesu'n tawelu'r storm | Beibl Newydd y Plant tud. 163

(Mathew 8:23–27)



Gwers 30

Y Storm Fawr

BEIBL GWEITHGAREDD Y PLANT DAN /DROS 7 oed

Y Storm Fawr tud 128

BEIBL LLIW STORI DUW

Y storm ar lyn Galilea tud 238

BEIBL BACH STORI DUW

Capten y Storm tud 236

BEIBL NEWYDD Y STORIWR

Y Storm ar y llyn tud 98

BEIBL LLIW Y PLANT

Iesu'n tawelu'r Storm tud 220

BEIBL NEWYDD Y PLANT

Iesu'n tawelu'r storm tud 163

BEIBL BACH I BLANT

Storm ofnadwy tud 330

Y BEIBL I BLANT MEWN 365 STORÏAU

Y Storm ar y llyn tud 312

Amser Chwarae

Chwaraewch un o'r gemau canlynol i gyflwyno'r syniad o wrando ar /gwyllo rhywun arall a bod yn ufudd:

1. "Mae Seimon yn dweud"

2. Pwy yw'r arweinydd? Mae pawb yn eistedd mewn cylch gydag un o'r plant yn sefyll tu allan yr ystafell, tra eich bod yn dewis "arweinydd." Mae'r arweinydd yn gwneud symudiadau gwahanol (clapio, tapio gwahanol rannau o'r corff ayyb), ac mae pawb arall yn ei (g)chopïo. Mae'r person sydd wedi bod tu allan yn gorfod ceisio dyfalu pwy yw'r arweinydd. Mae'r arweinydd a'r dyfalwr wedyn yn newid lle. Byddai'n syniad i chi ddangos sut mae'r arweinydd yn newid o un symudiad i un arall gyda phawb yn copïo cyn cychwyn y gêm yn iawn.

Amser Stori

Bydd angen blanced i roi ar y llawr fel "cwch." Rhowch ambell gadair ar ffurf siâp hirgrwn ac ymylon y flanced drostynt fel "ochrau" i'r cwch. Mae pegiau dillad yn ddefnyddiol i ddal y flanced yn ei lle.

Eisteddwch yn y "cwch" i adrodd yr hanes ac anogwch y plant i rwyfo, i edrych yn ofnus, i siglo yn ôl ac ymlaen gyda'r tonnau ayyb wrth fynd ymlaen.

Gorffennwch gyda chwestiwn y disgyblion – "Sut oedd Iesu yn gallu stopio'r storm?" Roedd Iesu yn gallu gwneud pethau rhyfeddol oherwydd ef yw mab Duw. Pwysleiswch ofal Iesu dros ei ffrindiau a gofal Iesu drosom ninnau.

Crefft

Llyfr Crefft t. 147–149

Gweddi

Darllenwch y weddi syml hon, gan wahodd y plant i orffen pob brawddeg gyda'i gilydd.

Pan fyddaf yn hapus	Mae Iesu wrth law
Pan fyddaf yn drist	Mae Iesu wrth law
Pan fyddaf yn dda	Mae Iesu wrth law
Pan fyddaf yn flin	Mae Iesu wrth law
Pan fyddaf yn gynhyrfus ..	Mae Iesu wrth law
Pan fyddaf yn ofnus	Mae Iesu wrth law

Rhigwm

Gydag Iesu (pwyntio i fyny)

Yn y cwch (gwneud siâp cwch gyda'r dwylo)

Medraf wenu (gwneud wyneb hapus a phwyntio bys at y wen)

Ar y storm (gwneud tonnau mawr gyda'r dwylo)

Gwenu (gwneud wyneb hapus a phwyntio bys at y wen)

Ar y storm

Gwenu (gwneud wyneb hapus a phwyntio bys at y wen)

Ar y storm

Gydag Iesu (pwyntio i fyny)

Yn y cwch (gwneud siâp cwch gyda'r dwylo)

Medraf wenu (gwneud wyneb hapus a phwyntio bys at y wen)

Ar y storm (gwneud tonnau mawr gyda'r dwylo)

Wrth inni hwylio ymlaen (gwneud symudiad rhwyfo).

Adnoddau Ychwanegol

Crefft

Llyfr Crefftau Stori Duw i blant dan 5 oed t. 147-149

Gwerslyfrau Golau ar y Gair

Iesu: Ffrind mewn Angen

Cyfres PowerPoints Beibl Bach i Blant

Cyflwyniad 39: Storm Ofnadwy

Llyfrau Stori

Storiau'r Anifeiliaid: Iesu'n tawelu'r Storm

